

صفات خواص العشر .. الحلقة (20) ..

#أدركوا_اللحظة_الفارقة_الموسم_الثاني .. د . حازم شومان

حازم شومان

الحمد لله وكفى صلاة وسلاما على عباده الذين اصطفى. اللهم لك الحمد كله ولك الملك كله وببيدك الخير كله. واليك يرجع الامر كله. اللهم صل على عبدك ونبيك محمد صلى الله عليه وسلم في الاولين والآخرين وفي كل وقت وحين. اما بعد آآ اخبارنا ايه يا اخواني في الله؟ احنا الوقتي بدأنا في اليوم الثاني من عشر ذي الحجة - [00:00:00](#)

احنا خلصنا ليلتين من الليالي العشر. اللهم لك الحمد. خلصنا ليلتين من الليالي عشر واحنا الوقتي في بداية اليوم الثاني من الايام العشر. يا ترى وصلنا لفين يا اخواني في الله طبعاً يعني عشر ذي الحجة اصعب من رمضان يا جماعة. يعني كلنا بالتأكيد اي حد يحاول ان هو يناضل من اجل ان هو يقتنص هذه الايام - [00:00:30](#)

هيفهم ان عشر ذي الحجة اصعب من رمضان. عشان كده عشر ذي الحجة الرسول عليه الصلاة والسلام فتح فيها افقين افق للعوام وافق اصل في افق عام قال رسول الله صلى الله عليه وسلم ما من ايام العمل الصالح احب الى الله فيها من هذه الايام. ده افق ايه؟ ده افق عام. انما - [00:00:50](#)

قال لك العمل الصالح. اجتهد في العمل الصالح. اجتهد في مطلق العمل الصالح. يبقى ده الافق العام. طب والافق الخاص؟ قال رسول الله صلى الله عليه وسلم ما من ايام اعظم عند الله ولا احب الى الله العمل فيهن من هذه الايام. اسمع بقى فاكثروا فيه - [00:01:10](#)

ان من التسبيح والتحميد والتلهيل والتكبير يبقى ده افق خاص اللي هو افق الذكر اللي هو افق الناس اللي تقدر انها تعيش عشر تيام مع ذكر الله سبحانه وتعالى معظمنا يا اخواني ما يقدرش يعيش نص ساعة مع ذكر الله. او يقدر يعيش ساعة مع ذكر الله. من غير ما اي حاجة من الدنيا تخطف قلبه او تخطف - [00:01:30](#)

لسانه. فالرسول عليه الصلاة والسلام فتح افق عام اللي هو العمل الصالح. وفتح افق خاص. اللي هو فاكثروا فيهن من التسبيح والتحميد حديس النبي عليه الصلاة والسلام. يبقى اذا فيه نوعين من الاخوة ونوعين من اهل التدين في العشر. عوام العشر وخواص العشر. احنا عايزين نبقي من - [00:01:50](#)

توصل عشر عند الله. طبعاً فيه نوعية تالته اللي هي تنمرة العشر. اللي هو ايه؟ اللي هو لو من العوام ولو من الخواص. انما احنا الوقتي هنفترض ان - [00:02:10](#)

اللي مجتهد في العمل الصالح. عموماً في عشر ذي الحجة ده من عوام العشر. ده من عوام العشر اه. زي رمضان كده اللي بيصوم ويصلي تراويح داء ده من عوام رمضان - [00:02:20](#)

راجل امال خلصت رمضان مين؟ اللي بيعتبر ان رمضان هو دورة تربوية مكثفة في التدبر في فهم القرآن. ووقفه مع فهم القرآن ده ده خواص رمضان. مين خواص العشر اللي بيعتبر ان العشر دورة تربوية مكثفة في الوقفة مع معاني الذكر ومع اسرار الذكر -

[00:02:30](#)

ده اللي بيقف يبقى اذا يا اخواني ايه صفات خواص العشر؟ خواص العشر دول صفاتهم ايه؟ اول صفة من صفات خواص العشر ان هم فاهمين تحديات العشر ان هو فاهم التحديات اللي فيها. رمضان - [00:02:50](#)

كان موسم عام. كان موسم جماعي يعني ايه؟ فيه صلاة تراويح بتلم الامة. الامة في جميع العبادات مع بعضها. الامة كلها حتى اهل الدنيا حتى اهل المعصية مرتبين نفسهم على ترتيب رمضان يعني حتى القهاوي وفتح القهاوي حتى اهل المعاصي واللي رزقهم قائم على المعاصي مرتبين نفسهم على الاوقات - 00:03:03

عبادات رمضان. يبقى ده الجو جماعي. فكان الجو سهل جدا عن عشر ذي الحجة. عشر ذي الحجة الجو فردي. يبقى ربنا عمل لنا موسمين طاعة. زي ما قلنا امبارح رمضان والعشر ايه؟ رمضان والعشر ايه؟ ها ايد واحدة. زي ما قلنا امبارح دول موسم واحد واتقسم نصين. واتممناها بعشر دول بيتمموا بعض - 00:03:23

يعني هم موسم واحد ولكن ربنا الحكمة بالغة قسمه نصين ليه؟ عشان اللي يبجي يقع بعد رمضان يبجي العشر توقنا جت تسنده. عشان اللي انت اتزرع في قلبك من القرآن في رمضان يبجي ذكر الله في العشر يرويه. يعني سبحان الله حكمة بالغة في الترتيب ما بين هذين - 00:03:43

يبقى اول حاجة في خواص العشر انه فاهم تحديات العشر. يعني ايه فاهم تحديات العشر؟ فاهم ان ربنا عمل لنا موسمين. موسم جماعي وموسم فردي عشان تتعلم النوعيتين من العزيمة. فيه اخوة. اول ما يبقى وسط المجموع ما يعرفش يصلي اصلا. لو وقفته يصلي صلاة جماعية ما يعرفش. ليه؟ هو ما يعرفش - 00:04:03

يصلي غير لوحده. ما عندوش الاوبشن بتاعه انه يعرف يعبد وسط الناس. وفيه واحد لو لوحده يقوم واقع ليه؟ ما عندوش الاوبشن انه يقدر يعبد لوحده. فربنا اما العزيمتين عندك الجماعية في رمضان والفردية في عشر ذي الحجة. فطبعاً الاصعب عشر ذي الحجة. لان عشر رمضان الكل بيعبد ربنا فيه - 00:04:23

كما العشر اللي بيستيقظ فيه هم خواص اهل التدين. اللي مستيقظين للعبادة في هذا الموسم. يبقى اول حاجة ان انت بتبقى يعني لوحدا الى حد كبير في هذه الايام. الحاجة الثانية ان رمضان الشياطين مكبل. عشر ذي الحجة الشياطين مطلقة. يعني من الاخر تقدر تعتبر ان العشر دا من تمان. مان انت لوحدا - 00:04:43

تمان قصاد الشيطان عشان كده اخوالي في الله. حد فيكم مش حاسس بتأسير الشيطان في عشر ذي الحجة حد فيكم مش عاجز ان في اجواء كهريا كده ما بين يعني تيجي تعبد كده تلاقي فيه حاجات بتحصل تيجي يعني الشياطين مطلقة في العشر غير رمضان خالص. يبقى ده من تحديات العشر يبقى - 00:05:03

وسط العشر فاهمين ان لا تحديات. ومستعد ان يخوض التحديات دي. وان انا بازن الله لوحدي هاقدر بازن الله في هذه الايام وسط بيئة الايمان طبعاً. انما مش في الجماعي بتاع رمضان وان انا هاواجه الشيطان بازن الله وانتصر عليه في هذه الايام. خواص العشر عارفين ان الرجالة مش على عرفات بس ودي حطة مهمة - 00:05:23

جدا الرجالة مش على عرفات بس كلمة ابو مسلم الخولاني. ايحسب اصحاب محمد ان يستأثروا به دوننا! والله لنزاحمهم اليه على الحوض حتى يعلموا انهم قد خلفوا وراءهم رجالا. اهو ده. عارفين ان الرجالة مش على عرفات بس. ايحسب الحجيج ان يستأسروا بفتح الله - 00:05:43

ومدد الله وعطاءات الله في عشر ذي الحجة دوننا. والله لنزاحمهم على فتح الله وثواب الله في هذه الايام حتى يعلموا انهم قد خلفوا وراءهم رجالا. ان فيه رجالة مش لانها ما رزقتش تأشيرة حج. فهم مش رجالة وهم رجالة وهما هنا - 00:06:03

عشان كده كثير من السلف كان مش قادر يعني عارف مش قادر يتقبل نفسيا ان هو ما يحجش. فكان في بلده يلبي كما يلبي الحجيج من فما السلف؟ يعني ينشغل هذه الايام بالتلبية وينشغل هذه الايام. بالزبط حتى يوم عرفات مشهور عند علماء السلف. حطة التعريف بالامصار - 00:06:23

وسلف الامة بل بعض الصحابة ان يوم عرفات ينزلوا في المساجد يقلدوا اهل عرفات ليه؟ مش قادر. مش قادر يتخيل ان السواب الرهيب ده هو مش هياخده. يبقى الرجالة مش على عرفات بس. الرجالة مش على منى بس. الرجالة مش واقفين في مزدلفة بس. الرجالة مش في ايام التشريق في المناسك بس - 00:06:43

الرجالة مش في الطواف والسعي بس. فيه هنا رجالة. عارفين ان الرجالة مش على عرفات بس. ومستشعرين الجنيد. لما راحت له امرأة فاتنة الجمال فبتبكي بتقول له زوجي تزوج. انا واحدة خارقة الجمال. وجوزي اتجوز علي. فبتكشف له وشها مش عشان هي واحدة داهية بتكشف له بتقول له - [00:07:03](#)

انظر فيه واحدة من الجمال ده جوزها يتجوز عليها فبكي الجنيد. هو بكى ليه بقى؟ بكى مسلا لا لا خالص. مش لاي فكرة جت في ذهنك. امال بكى لانه قال يعني اذا كانت دي امرأة لانها اوتيت حظي من الجمال من الله. تظن ان ما ينفعش ان جوزها يبقى في قلبه غيرها - [00:07:23](#)

امال ذو الجلال والاکرام! امال خالق الجمال في الكون! ازاي يبقى في قلوبنا غيره! فانا تصرفون! ازاي ننشغل بغير الله سبحانه وتعالى عشان كده كلمة هند بنت عتبة ما رأيت الله عبد حق عبادته مسل ذلك اليوم ليلة ثلاثة وعشرين رمضان. ليلة فتح مكة لما الصحابة لأول مرة - [00:07:43](#)

في ليلة وترية دخلوا الحرم المكي. فذهلت من عبادة الصحابة. اهو ده اللي المفروض نعمله. ما رأيت الله عبد حق عبادته مسل هذه الايام ايام دي ايام خاصة. ايام خاصة جدا. كلمة اويس القرني لاعبدن الله في الارض كما تعبد ملأكة السماء شعارات يا جماعة. المفروض ان انت في عشر ذي الحجة - [00:08:03](#)

الاربعة دول زلالهم قدام عينيك. كلمة ابو مسلم الخولاني كلمة هند بنت عتبة. كلمة اويس القرني. كلمة الجنيد الاربعة دول كلمة اويس القرني ابحسب اصحاب محمد ان يستأثروا به دوننا كلمة هند بنت عتبة ما رأيت الله عبد حق عبادته مسل ذلك اليوم. كلمة اويس - [00:08:23](#)

قرني لاعبدن الله في الارض كما تعبد ملأكة السماء وموقف الجنيد رحمه الله رحمهم الله جميعا. يبقى تاني صفة من صفات خواص العشر ان هم عارفين ان الرجالة مش على عرفات بس. يبقى قابلين تحديات العشر. وعارفين ان الرجالة مش على عرفات بس. تالت صفة من صفات خواص العشر. انهم عارفين ان البداية - [00:08:43](#)

الحقيقية للمكاسب هي ايقاف نزيف الخسائر. اول حاجة عشان ابدأ أكسب ان انا اوقف الحاجات اللي اللي بنخسر منها. ان احنا نوقف واحد فاتح شركة وبيكسب كتير جدا ولكن فيه واحد حرامي قاعد كل يوم يسحب من المخزن حاجات. فهو قاعد يكسب وفي النهاية رأس مال هو ما بيزدش. ليه؟ لان فيه - [00:09:03](#)

تزييف خسائر زي قول عشان كده التوبة يا اخواني. التوبة والاستغفار. احنا بنبدأ العشر بالتوبة والاستغفار. ونختم العشر بالتوبة والاستغفار. سورة نوح بعد تسعمية وخمسين سنة دعوة الى الله اخر اية رب اغفر لي ولوالدي ولمن دخل بيتي مؤمنا اغفر لي. سورة المزمّل بعد يعلم انك تقوم ادنى - [00:09:23](#)

من ثلثي الليل واستغفروا الله ان الله غفور رحيم. ليه؟ هو المؤمن كده. المؤمن بببدأ العبادة بالتوبة والاستغفار. ويختم الامانة بالتوبة يبقى اوعى تبقى بتكسب حسنات في عشر ذي الحجة لان زي ما الحسنات بتضاعف فيها السيئات بتضاعف فيها. والعياذ بالله يبقى لازم تاخذ بالك من نزيف الخسائر - [00:09:43](#)

ان ما فيش معصية تضيع لك اللي انت بتعمله في هذه الايام. حتى لو معصية اخلاق ومعاملات يا جماعة. حتى لو ظالم مراتك. يعني ربنا يحفظنا حتى لو ظالم حاجة في - [00:10:03](#)

حتى لو مهمل في شغلك الدنيوي. ودي امانة في رقبتك امام الله وحق للمسلمين. يعني مش لازم الزنب احنا يعني معزم الملتزمين بيختزلوا الزنب انه بص لواحدة انه يتكلم في علاقة حرام لأ ده الزنوب كتير جدا وفيه زنوب اكبر من كده وفيه كبائر ونحن لا ندرك هذا. فناخد بالنا من هذا - [00:10:13](#)

الصفة الرابعة بقى واللي عايزين نقف معها في اخر هذه الكلمة في صفات خواص العشر اللي هي اللي احنا ورقنا فيها. ان فيه ناس منشئها على ما من ايام العمل الصالح احب - [00:10:33](#)

الله فيها من هذه الايام. منشئ على مطلق العمل الصالح. عوام العشر. عوام العشر دي كلمة كبيرة. ها يعني يعني وخواص العشر بقى

فاكثروا فيهن من التسبيح التحميدي والتكبير يبقى كتر فيها من ذكر الله. يبقى خواص العشر بيجهتدوا في العمل الصالح ومركزين في الذكر في نفس الوقت. ذكر الله - [00:10:45](#)

والله يا اخواني ذكر الله اخباركم ايه في ذكر الله؟ اخبار مين اللي امبارح قعد جلسة زكر؟ مين اللي امبارح يعني ايه قعد مع نفسه كده؟ مين اللي امبارح راح تدبر في خلق الله - [00:11:05](#)

راح مكان كده فيه تدبر في خلق الله. مين اللي امبارح قعد مع نفسه يكافح في هذه العبادة! ما هو العشر تيام دول حروب استرداد. عارفين حروب الاسترداد انت تحاول ان تسترد قلبك. ان ترد قلبك الى الله. الموضوع مش سهل. ده انت ممكن تيجي تقعد تزكر ربنا. يا نهار ابيض! الانشغال الفلاني. والمشكلة الفلانية - [00:11:15](#)

مش هيطلع المشاكل عليك والتأسر النفسي بالمشاكل الا لما تيجي تخلو لذكر الله ليه؟ ده طبيعي جدا جدا. اما ارض فاضية بتتساب مدة والناس تقعد ترمي فيها القمامة لما بتيجي تشيل القمامة بقى عربية تشيل القمامة عشان الارض تبدأ تتبني بتلاقي حاجات رهيبة كانت موجودة في النص وروايح - [00:11:35](#)

سيئة هو طبيعي. انت الوقتي قاعد بقى بتايه؟ قاعد بتصلح لو انت قاعد دلوقتي جا لك اتصال الحق. فيه حرامي دخل بيتك ومراتك واولادك في البيت هتجري وانت مفزوع ليه؟ خايف الحرامي ده هيقتلهم هيدبحهم هيسرقهم هيعمل ايه؟ اهو بالزبط ده شعور المؤمن لما يعرف ان قلبه دخل فيه حاجة غير الله - [00:11:55](#)

يفزع. ليه؟ لان الحاجة اللي هتدخل غير الله بتسرق قلبك من الله. انما ده الحرامي جاي يسرق دنيتك. فانت عايز قلبك يبقى سلم لله سبحانه وتعالى يبقى يبقى دي عشر زي الحجة حروب استرداد. عشر ذي الحجة ده ده رد القلب رد قلبي. ده استرداد قلبك لله سبحانه - [00:12:15](#)

تعال ده معركة تحرير الاجزاء المحتلة في قلبك مرة اخرى نظرت لك ما في بطني محررة نظرت لك ما في قلبي محررة انا يا رب هاحرق قلبي من كل قطعة. الشيطان غرس رايته عليها ورفع رايته عليها واحتلها واحتلتها النكت السوداء بتاعة الذنوب - [00:12:35](#) واحتلها تعلق قلبي بكل ما سواك وكل شيء غيرك يا رب انا هحرر قلبي. معركة تحرير قلب عشر ذي الحجة. حروب استرداد قلب في عشر ذي الحجة يبقى ذكر الله. عشان كده ابن تيمية يقول ابن تيمية من اكبر السلف اللي لهم كلمات جبارة في الذكر. يقول من نام على التسبيح اوتي - [00:12:55](#)

من نام على التسبيح اوتي عزما. يعني معزم الناس ينام وهو بي فكر في اي مشكلة بي فكر في اي حاجة. بي فكر في اي حلم من احلامه ان تيمية بي قول لك اللي يقدر ان هو ينام وهو قاعد يسبح ربنا لحد ما النوم بييجي بقى كده واياه ويأخذ عينيه يقول لك اوتي عزما - [00:13:15](#)

اصحى ثاني يوم عنده عزيمة جبارة على الطاعة وفي مواجهة الحياة. عشان كده كان يقول لما يقعد جلسة الذكر الطويلة بتاعته بعد الفجر لحد آآ الصبح كده يقول هذه غدوتي فان لم اتغدها سقطت قوتي. يبقى ذكر ربنا هو سر القوة بتاعتي. انا بحط قلبي في الشاحن كل يوم في جلسة - [00:13:36](#)

الضحى في كنس جلسة الذكر والا سقطت قوتي لا اقدر اغض بصري ولا اقدر اجتنب الفتن ولا اجتنب الحرام ولا اقدر ان انا آآ اصلي النوافل ولا اقدر ان انا اقلل نومي ولا اقدر ان انا اصبر على اذى اخواني واتكسر لهم واتجرد وتعاون ولا اقدر - [00:13:56](#) ان انا اجمع ما بين حفز القرآن وطلب العلم والدعوة الى الله والسعي على الرزق. ما اقدرش. ما اقدرش ولا اقدر ان انا احسن اخلاقي مع الناس. هذه غدوتي وقت - [00:14:16](#)

ذكر وجلسة الذكر فان لم اتغدها سقطت قوتي. عشان كده يا اخواني في الله ابن القيم يقول انك كل ما تذكر الله تبني الملائكة قصورا في الجنة اول ما تبطل زكر تتوقف الملائكة. يعني الزكر يزوجهن؟ اه. الزكر من العبادات اللي بتعرفك عمرك غالي قد ايه؟ في دقيقة. ممكن - [00:14:26](#)

تاخذ آآ ملايين الحسنات في دقيقة. الزكر بيعرفك قيمة عمرك غالي قد ايه. وبيعرفك التغالي عند ربنا قد ايه. هو يا رب سبحانه الله

العظيم وبحمده مني بنخلة في الجنة ساقها ذهب. ليه يا رب؟ انت غالي عند ربنا والذكر يقول لك فلان آآ ده ابنك مسافر السعودية ده - 00:14:46

على طول في سيرتك. الاب يفرح ابني على طول في سيرتي اه. يبقى تخيل بقى لما ربنا يطلع عليك من فوق سبع سماوات يلاقيك على طول بتتكلم عن ربنا. مشغول برنا - 00:15:06

ده مشغول بالفلوس وده مشغول بالدنيا وده مشغول بشهوات. وانت مشغول بالله. عشان كده النبي عليه الصلاة والسلام يقول سبق المفردون. ليه؟ الذاكرون الله كثيرا والذاكرات صبرا الخلق كلهم سبقوهم لا بيتعطلوا في قبر ولا بيتعطلوا في ميزان ولا بيتعطلوا في الصراط ولا بيتعطلوا في عرض ولا بيتعطلوا في حشر ولا بيتعطلوا في قنطرة - 00:15:16

صدق المفردون دول متفردين عن البشرية كلها. دول النوعية الفريدة في البشر. دول العقد الفريد. دول الجوهرة الفريدة. في عقد البشر كلها طبق المفردون يعني ده راكب عجلة وده راكب عربية وده راكب آآ تروسيكل وده راكب صاروخ. سبق المفردون ده ده اللي بيصل الى الله بذكر الله - 00:15:36

سبحانه وتعالى قال رسول الله صلى الله عليه وسلم ما من شيء انجى من عذاب الله من ذكر الله. يعني ذكر ربنا مش بس بيبيني لك قصور في في الجنة ذكر الله انجى عمل لك من عذاب الله. اكثر عمل ينجيك من عقوبات زنوبك في الدنيا. اكثر عمل ربنا يوقف - 00:16:01

نزل عقوبات الزنوب عليك في الدنيا بسببه. اكثر عمل ينجيك من عذاب القبر. اكثر عمل ينجيك من الوقوف في ارض المحشر وشمس القيامة. اكثر عمل ينجيك من ان تمسك النار. ما من شيء انجى من عذاب الله من ذكر الله. الحمد لله تملأ الميزان. كلمة كلمة يا اخواني تملأ الميزان - 00:16:21

امال بقى ده اللي قالها مرة امال اللي عايش عليها. امال اللي بيقول كل الافكار ورجل ذكر الله خاليا ذكر الله خاليا ففاضل عيناه تقدر تعملها في العشر دي. ولو ما عملتهاش في العشر هتعملها امتى؟ لو دي ما حصلتش في عشر زي الحجة موسم الذكر اللي النبي عليه الصلاة والسلام قال اكثروا فيهن من ذكر الله - 00:16:41

لو في موسم الزكر ما حصلتش رجل رجولة ذكر الله خاليا ففاضت عيناه. لو انت ما قدرتش تحققها ديت في عشر ذي الحجة وتأخذ ظل عرش الله هتاخذها امتى؟ يعني ذكر الله يوقفك في زل عرش الله. يملأ ميزانك ينجيك من عذاب ربنا دنيا واخرة وقبر وقيامه. وكل حاجة - 00:17:01

لك قصورك في الجنة. من نام على التسبيح اوتي عزم. هزه غدوتي. فان لم اتردها سقطت قوتي. عشان كده لقاء القمة مش اللي كان ما بين رئيس الاتحاد السوفيتي ورئيس امريكا. لأ لقاء القمة الذي كان بين سيدنا محمد عليه الصلاة والسلام وسيدنا ابراهيم في السماء السابعة. لما - 00:17:21

سيدنا محمد لقي سيدنا ابراهيم في رحلة المعراج. تخيلوا بقى سيدنا ابراهيم هيكلم سيدنا محمد في ايه؟ يقول له بيقول له واخبرهم للامة عليه الصلاة والسلام ان غراس الجنة سبحان الله. والحمدلله ولا اله الا الله. والله اكبر كلام كبير والله يا اخواني - 00:17:41

كلام ربنا كلام كبير. وكلام النبي عليه الصلاة والسلام كلام كبير. امبارح يعني بشرح لاخواننا في معهد القرآن الدعوي. قول الله سبحانه وتعالى قد افلح من تزكى. كأن اول مرة اخذ بالي من الاية. قد افلح الفلاح غير النجاح - 00:18:01

الفلاح ده الفوز الكامل والفوز الشامل. والفوز النهائي ان فلاح غير النجاح انا ممكن انجح في مادة واسقط في مادة. انما الفلاح ده الفوز الكامل والشامل فربنا بيقول قد افلح. عايز تفلح. عايز تبقى فالح في حياتك من تزكى. من تزكى يعني من تربى. يعني اللي مش هيهتم بالتربية مش هيفلح. عارف لما - 00:18:16

ابوك يقول لك يا ابني زاكر. ولا ما انتش ناوي تفلح فدي بالزبط يا اخي اتربى ولا انت مش ناوي تفلح قد افلح ما انت زكى. حقائق اخبرهم ان غراس الجنة سبحان الله. والحمدلله ولا اله الا الله والله اكبر. بجد اي والله العزيم بجد. يعني هو ده غراس جنة -

الرضوان والفردوس اه ده غراز جنة الرضوان والفردوس الاعلى. ومن يعيش عن ذكر الرحمن نقيض له شيطاننا فهو له قريب. ومن اعرض عن فكري فان له معيشة ضنكا. ومن يعرض عن ذكر ربه يسلكه عذابا صعدا. معيشة ضنكا. عذابا - 00:18:56

نقيد له شيطاننا. كل ده ليه؟ عشان بعيد عن ذكر الله سبحانه وتعالى. واللي لا يقل خطورة عن كل ده قول الله سبحانه وتعالى ان المنافقين يخضعون الله وهو خادعهم. واذا قاموا الى الصلاة قاموا كسالى يراؤون الناس ولا ايه؟ ولا - 00:19:16

ايذكرون الله الا قليلا مذبذبين. لما قل للذكر بقوا مذبذبين في الحياة. ما عندهم همة. ما عندهم مش قصد في الحياة ما عندهم هم عزيمة في الحياة. بقى انسان مزبذب. مش قادر انه يركز في الطاعة. مش قادر انه يجمع قلبه على مراد الله ليه؟ لان ولا يذكرون الله -

الا قليلا خدوا بالكم ده المنافقين بيذكر بس قليل. انت بقى اللي ما بيزكرش او اللي مشغول عن ذكر الله سبحانه وتعالى. موضوع كبير اوي يا اخواننا. موضوع الذكر ده موضوع كبير اوي عشان كده تلاقي في غزوة الاحزاب وعشر تلاف واحد محاصرنا. يا ايها الذين امنوا اذكروا الله ذكرا كثيرا. هزيمة احد - 00:19:56

والقلوب والعلة نار على اللي اتقتلوا وعلى اللي اتجرحووا وعلى اللي حصل وعلى اللي جرى. الذين يذكرون الله قياما وقعودا وعلى جنوبهم ويتفكرون في خلق السماوات والارض. بعد نصر بدر انما المؤمنون الذين اذا ذكر الله وجل - 00:20:16

قلوبهم في شعب ابي طالب. واذكر ربك في نفسك. تضرعا وخيفة ودون الجهر من القول. بالغدو والاصال ولا تكن من الغافلين. في الهجرة اساء الهجرة ولذكر الله اكبر. ولذكر الله اكبر اي اكبر من ذكركم - 00:20:36

لا يعني ذكر ربنا لك بالعطاءات اكبر من اي ذكر انت هتذكر ربنا به بجهدك وبلسانك وبقلبك. في هجرة الحبشة فاصبر على ما يقولون وسبح بحمد ربك قبل طلوع الشمس وقبل غروبها. ومن اثناء الليل فسبح واطراف النهار. لعلك ترضى. لعلك ترضى - 00:20:56

اللي عايز ربنا يرضيه يركز في ذكر ربنا يبقى النهاردة يا اخواني في الله اتكلمنا عن ايه؟ كلمني عن الفرق ما بين عوام العشر خواص العشر. قلنا ان خواص العشر لهم اربع - 00:21:18

صفات الصفة الاولى ايه؟ ها؟ واحد ايوه مزبوط تمام مية مية الصفة الاولى ايه ها ان هم عارفين تحديات العشر ما انت مان بينك وبين الشيطان. مان تمان. رقم اثنين قلنا الصفة الثانية في خواص - 00:21:28

العشر هي ايه؟ انهم عارفين ان الرجالة مش على عرفات بس. ها ايحسب الحجيج ان يستأثروا بفتح الله دوننا؟ مش هيحصل. رقم ثلاثة عارفين ان النزيف ان بداية المكاسب هي ايقاف نزيف الخسائر. ببداؤها بالتوبة والاستغفار وينوها بالتوبة والاستغفار. رابع حاجة ان هم بجانب - 00:21:46

تركيز في مطلق العمل الصالح فاهمين ان عشر ذي الحجة دورة مكثفة ووقفه مكثفة مع ذكر الله وحرب معركة تحرير قلب وحروب باسترداد قلب مرة اخرى الى الله سبحانه وتعالى. فمركزين في الذكر بكل طاقتهم. لعلك ترضى. نسأل الله سبحانه وتعالى ان يفتح علينا. ونسأل - 00:22:06

الله سبحانه وتعالى ان يهدينا وان يسد لنا شوية جوايز كده يا شيخ. هات لي بقى المصاحف كده. مصحفين بس كده. مين ياخذ المصحف ده يا جماعة؟ مش عارف هيلحق يختم في العشر ولا ايه! احنا عايزين حد كده مين ياخذ المصحف ده ويختم في عشر ذي الحجة؟ ها يبقى راجل بطل كده ورجل منطلق ما ما فيش غير الابطال - 00:22:26

ما فيش ابطال جدد غير بتوع امبارح ياخذ المصحف. وتختتم والمصحف عشر دقائق انت راجل بطل يا ابني والله. طيب خلاص يا جماعة مش لازم يختم المصحف في عشر ذي الحجة يقرأ جزئين في اليوم حتى. ها ياخذ المصحف ويقرأ جزئين يوميا. هتقرأ جزئين يوميا خد يا بطل. طب جميل جدا بس - 00:22:46

الفقرون بتركيز بقى. جزئين يوميا طب خد ادي له كمان اهو. ادي لاختوك. ها مين ياخذ جزئين يوميا؟ طيب الشاب التيشيرت الاسمر البتاع الاصفر مين ياخذ السواك ده ويسلط على هلكته بالحق في عشر ذي الحجة - 00:23:06

ها يسلط على هلكته بالحق في عشر ذي الحجة خد يا بطل معلش معلش. خد يا شعيب ها يسلط على ابو عمر ما نقدرش نتكلم طبعاً
يسلط على هلكات انت عايز انت كمان ها استخدمه في عشر ذي الحجة خد يا صديقي خد يلا اتفضل ها اه يا شيخ اسلام -

00:23:26

شيخ اسلام يسلط على هلكته بالحق في عشر ذي الحجة. ها؟ كنت عايز واحد. ما انا رزقت الحمد لله آآ طب السواك الاخراني يا
جماعة؟ لأ السواك الاخراني بقى مش مجرد استعمال يعني. مين ياخذ السواك ده؟ يعمل ايه يا شيخ - 00:23:46
يروح يجاهد في سبيل الله ولا يعمل ايه ولا يبقى ويكمل صيام بقى لحد يوم عرفات. خد يا شيخ عوض. ربنا لا اله الا الله وحده لا
شريك له. الله اكبر - 00:24:06

اذكر ربنا عشر تيام لا اله الا الله وحده لا شريك له. اه وتوصل الليل بالنهار في ذكر الله. خلاص يا جماعة. ولا تنم سبحانك اللهم اشهد
ان لا اله الا انت استغفرك واتوب اليك - 00:24:16

- 00:24:36